



聖道辨物

上編

經
四二
二合
一

口 13
900
1



冢田多門學



聖道辨物

雄風館藏版 高山房發行



聖道辨物序

余嘗著此編以藏匱久矣。而為得門合語之二
 書既已行於梓頃。日子弟頗請亦上之於梓。因
 更加參考焉。又為之作序曰。蓋君子者之經國
 家。譬之匠之造宮室。斧斤刀鋸鑽鑿鉋鉢。其器
 物不亦寡焉。而其器物不利。則不可以得善其
 事也。故曰。工欲善其事。必先利其器。夫其經國
 家。亦必不可無其器物也。先王為之。理道德制
 以為器物。孝弟忠信。仁智禮義。其物不為不亦

門仁12
號900
卷1

聖道辨物

序

眾者

山谷圖書

坪内博士氏等贈

虛者說
聖者易說
多矣。記曰：義與信，和與仁，霸王之器也。孔子之
所以謂管仲為器小，亦謂其所用之器物小也。
而其器不利，則亦不可以得經國家也。苟欲利
其器也，則不可不先辨其物也。記曰：物有本末，
事有終始，知所先後，則近道矣。而如禮樂刑政，
則其為物也實，如仁義忠孝，則其為物也虛。實
也者，易辨；虛也者，難辨。是故先辨其難辨之物，
乃致其切磋，而後將成經國家之器矣。而及乎
至戰國，君子者亡焉，而國家衰弊，猶大匠去焉。


而宮室傾敗，於此拙工妄作，敢以刀鋸穿焉，敢
以鑽鑿斲焉。先王之所制者，名與物淆，亂乃於
道德仁義之器。欲先辨其物，未得如指之掌上。
雖夫孟軻荀況之碩儒也，觀其所以論辨焉，似
頗有與古訓齟差矣。矧於漢魏以降乎？夫欲整
輕重者，不可以忽錙銖也；錙銖而忽之，則將有
鈞石之差矣。欲審長短者，不可以略毫釐也；毫
釐而略之，則將有尋丈之謬矣。然則欲經國家
者，於夫先王之器，不可不先辨其物，以精微之

也。若其忽略之，則於其修己治人，必有其差謬焉。豈唯鈞石尋丈，而整錙銖者，當正懸權衡焉。審毫釐者，當誠陳規矩焉。欲辨道德精微者，將必監於古訓以徵焉。苟不監於古訓焉，唯漢魏以降是從焉。則於夫先王之器，其名與物，或多亂其用，恐將有穿焉以刀鋸，斲焉以鑽鑿者矣。故今獨取于典謨以下，禮記以上，以懸之權衡，以陳之規矩，而於先王經國家之器，先辨其難辨之物，必精微之，乃欲與子弟俱，敢利其器而

已。若夫狂簡之士，進取于古者，亦且操此權度，以量其輕重長短，乃於孟荀以下，其所以論辨錙銖之差，毫釐之謬，亦將有不欺焉。而此著之，所以次第道德二言，則是其總名，以蒙上下二編。而上編則始於孝弟，以終於極斯，自近至遠之次。下編則首於聖，以尾於狂狷，斯自高及卑之策。合題目之，為聖道辨物。

寬政七年乙卯春二月十日。

冢田虎自序



實知士年已卯春二月
 之翰合題目之為聖道
 之外不辭開首以聖以
 辭而士辭開以法以法
 所以必策蓋辭二言以
 辭於之義蓋辭之辭亦
 以量其辨重是法以法
 且法大辨而之士也聖
 且法大辨而之士也聖

聖道辨物目錄

上編

道 德 孝 弟 友 睦 姻

任 恤 忠 恕 信 忱 謹 諒

誠 允 孚 亮 周 比 貞 順 慈

惠 愛 敏 肅 敬 寅 欽 慎 恪

溫 恭 莊 嚴 儉 謙 讓

威 儀 極

右三十三物

下編

聖神武文聰明睿

寬裕泰仁智勇義

公方中和庸常恒彝

元良賢能俊又傑彥

剛柔強果毅簡廉

清正直愿慤矜狂

捐

右三十九物



聖道辨物上編

日本 信濃 冢田虎 學

○道

道也者。道路之謂也。道路也者。人之所以出入可必履行焉也。在昔聖王率人之常性而分其倫理以為五典。以為五倫。以為十義。以為十倫。始於父子。終於君民。於其相接之道。孝弟睦友。恭敬忠信。仁智勇義。言行之科。曲制之名。義而立之。教訓所以使天下之人。出入必履行焉。乃不失其理。是之謂道矣。管子曰。

別交正分之謂理順理而不失之謂道道德定而民有軌矣又曰道者誠人之性也非在人也而聖王明君善知而道之者也道也者萬物之要也為人君者執要而待之則下雖有姦偽之心不敢殺也夫道者虛設其人在則通其人亡則塞者也管子君善夫此管子之言可謂古之知道者矣庶幾學者莫為孟軻氏所誤焉書曰若有恆性克綏其猷惟后湯誥猷道也記曰率性之謂道中庸此子思之言蓋原乎湯誥者也孔子曰人能弘道非道弘人也可相照以觀

焉故始於父子而終於君民順此道以交則善慶至焉逆此道以接則淫慝生焉書曰惠迪吉從逆凶惟影響大禹謨左氏傳曰賤妨貴少陵長遠間親新聞舊小加大淫破義所謂六逆也君義臣行父慈子孝兄愛弟敬所謂六順也去順效逆所以速禍也隱公三年然則為君長者唯其順與逆是察一切舍我之好惡而專遵先王之道乃可以經國家也書曰無有作好遵王之道無有作惡遵王之路洪範夫先王之道路固非枉撓造作者自率人之常性而分其倫理者

也則天下生民之屬孰可不由此道也孔子曰人莫不知此道之美而莫之御也莫之為也何居家語又曰誰能出不由戶何莫由此道也論語記曰道也者不可須臾離也可離非道也中庸故謂道也者道路之謂也而人之所以出入可必履行焉也若夫舍此道而敢說先聖之所以不說焉苟執離而可之理以為道也者則非知我聖人之道者也矣其詳備諸合語數篇

○德

德者得也得也者得之於身也行之之謂道得之之謂德其為物也同唯得與行之異也已記曰禮樂皆得謂之有德德者得也樂記又曰德也者得於身也故古之學術道者將以得於身也鄉飲管子曰德者得也得也者其謂所往以然也管子古訓皆如是矣而其得之於身也者其言行動靜不敢勉強焉從容中道之謂也而後世或謂有得於心為德者古未之見也凡眾事之理苟得之於心則可得矣然得之於身則未可得也故得之於身者可必得之於心矣得

之於心者未可必得之於身也書曰非知之艱行之
惟艱說命尤氏傳曰非知之實難將在行之昭公十年是
以古者稱德之有無則必以其行之得失其行得焉
乃稱之有德其行不得乃謂之不德書曰言其人有
德乃言曰載采采皋陶謨易曰君子以成德為行日可
見之行也文言國語曰步言視聽必皆無謫則可以
知德矣周語下尤氏傳曰則以觀德德以處事文公十年
詩曰抑抑威儀維德之隅大雅抑又曰温温恭人維德
之基同經典之訓皆可以見焉是以於其心則有得

焉然其言行不合於禮義者則未之謂德行也又其
言行合於禮義然未之得於身敢替考焉敢勉強焉
非從容中道者則亦未之稱有德也是故孔子曰道
有至有義有考至道以王義道以霸考道以為無失
表記言據於至德以行道者則為天下王矣依於義
理以行道者為諸侯霸矣替考於古以勉道者則為
敢無行事之失也又且雖有得於身然非日可見之
行則其所得者不明白焉雖有勉強於行然非成德
以行則其所行者不尊嚴焉故曰非德道不尊非道

德不明。家語及太又書曰。作德心逸日休。作偽心勞日拙。周官言道得於身而成德以為行則其心逸豫而其作事日美。道不得於身而巧偽以為行則其心勞苦而其作事日拙也。又曰。德惟善政。大禹易曰。君子以居賢德善俗。漸象左傳曰。德國家之基也。襄公又為政以德之數語。可合以觀焉。然則士君子不可以不成德也。而成德如之何。易曰。君子以多識前言往行以畜其德。大象論語曰。主忠信。徙義崇德也。又曰。先事後得。非崇德與。書曰。念終始典于學。厥德

修罔覺。說命學者宜學且思也矣。

○孝

善事父母且善事祖先之謂孝。書曰。父頑母嚚象傲。克諧以孝。堯典又曰。奉先思孝。大甲又曰。恪慎克孝。肅恭神人。微子國語曰。宣王欲得國子之能導訓諸侯者。樊穆仲曰。魯侯孝。王曰。何以知之。對曰。肅恭明神而敬事者老。周語自是而下。稱德行者必以孝為先。則經傳之常義也。孔子曰。夫孝德之本也。教之所繇生也。孝經又曰。立身有義矣而孝為本。家語有子

曰孝弟也者其為仁之本與論語管子曰孝弟者仁之祖也管子尤傳曰孝禮之始也文公記曰眾之本教曰孝祭義如此之訓亦聖賢之格言也然則士君子雖有才之美使其遺孝道其餘不足觀也已而孝道非一曾子曰孝有三大孝尊親其次弗辱其下能養又曰孝有三小孝用力中孝用勞大孝不匱祭義諸子問孝於聖人聖人對孟懿子則以無違對武伯則以唯其疾之憂答子游則以可敬答子夏則以色難其設教也如是之不同唯因其人之所短乃救其

失也且人雖有孝之志而不達乎孝之義者徒以順父母之心為意反使之陷于不義或有如夫申生者焉其事又辨之於得門依仁章是故孔子曰能審其所從之謂孝之謂貞矣又以曾子不避大杖以為陷父於不義者其語可以參知焉家語蓋生民之道雖貴賤多等舉莫不以孝為本矣而孝之為道自王侯而下至於庶人雖則有其大小廣狹之異焉然其所以為要不過乎愛敬相盡以畜養其恩意也記曰孝者畜也順於道不逆於倫是之謂畜祭統他則孝經

之訓審矣。不可復需多說也。

○弟

善事兄長之謂弟。孔子曰：孝德之始也，悌德之序也。
家語弟悌通。愷悌又作豈弟。豈弟樂易也。又記曰：凱以強教之。弟以說安之。表記然則所謂孝弟之弟，亦和易以事兄之謂也。與周禮大司徒之職以鄉八刑糾萬民四曰不弟之刑。蓋孔門之教每孝弟相並而推事父兄之道以為事君長之義。則孝經二語傳記皆一揆也。然弟之言於詩書二經未之見也。於詩書

二經唯有友之名。

○友

友者兄弟相善之謂也。書曰：不友于弟。又曰：不孝不友。康誥又曰：友于兄弟。君陳詩曰：張仲孝友。小雅又曰：則友其兄。大雅左傳曰：兄友弟共。文公十年周書曰：兄弟之間觀其和友。官人而友之為言謂同志為友。然則兄弟相善亦以其志不相乖謂之友。與書曰：越友民保受王威命明德。召誥詩曰：散無友紀。大雅又曰：因心則友。此所謂友者皆睦友之謂而亦不相乖。

之義也已。

文見○睦

王叔命和親睦。言睦曰睦。無文疏。大司

周禮大司徒之職。六行。孝友睦婣任恤。所謂睦者。親

九族之謂也。書曰。以親九族。九族既睦。堯典是也。又

書曰。爾室不睦。爾惟和哉。多方記曰。立愛自親始。教

民睦也。祭義是皆親親族也。八刑。二曰。不睦之刑。亦

謂親族不和睦也。又謂人民相和親。亦為睦。書曰。睦

乃四鄰。以蕃王室。蔡仲之命孝經曰。民用和睦。記曰。講

信修睦。禮運家語同如此之類。是也。

○姻

姻者。親外親之謂也。周禮作媯。古字與因通。詩曰。因

心則友。大雅論語曰。因不失其親。亦可宗也。是也。又

嫁娶之家。相謂為姻。大司徒八刑。三曰。不媯之刑。亦

謂外親不相親也。或說論語者。失因字古義。

不任○任

又大宗命。文疏。大司

任者。朋友相信之謂也。古字與壬通。詩曰。仲氏壬只。

邶風是亦謂相親信也。字一作任。大司徒八刑。五曰。

不任之刑。亦謂友道不信也。

恤者憂慙貧困之謂也。字又作卹。大司徒之職。又施

十有二教焉。八曰以誓教恤。則民不怠。又八刑六曰

不恤之刑。又大宗伯之職。以恤禮哀寇亂。同屬典瑞

之職。珍圭以徵守。以卹凶荒。書曰永敬大恤。盤庚詩

曰出則銜恤。小雅蓼莪皆憂貧困之謂也。又憐孤幼為恤。

記曰上恤孤而民不倍。大學家語曰恭老卹幼。又曰

父恤其子。其子恤諸孤。如此之言亦多矣。

○忠

45

42

忠也者。言行皆盡中心而無私也。故中心為忠。尤傳

曰無私忠也。成公九年國語曰考中度衷忠也。又曰中能

應外忠也。周語又曰言忠必及意。又曰帥意能忠。同

又曰除闇以應外謂之忠。晉語又曰忠自中而信自

身。晉語皆是盡中心之謂也已。又曰中心圖民。魯語

詩曰中心臧之。何日忘之。小雅所謂中心即忠也。又

尤傳曰季孫於魯相二君矣。妾不衣帛。馬不食粟。可

不謂忠乎。成公十六年。又曰君子謂子囊忠。君薨不

忘增其名。將死不忘禱社稷。可不謂忠乎。襄公十四年

令尹子文三仕三已無喜愠色舊令尹之政必以告
 新令尹孔子以為忠矣皆是盡中心而無私也夫又
 尤傳曰上思利民忠也桓公六年又曰小大之獄雖不能
 察必以情對曰忠之屬也莊公十年又曰公家之利知無
 不為忠也僖公九年又曰臨患不忘國忠也昭公元年此
 亦可以監矣論語曰為人謀而不忠乎又曰與人忠
 又曰忠告而善道之又曰忠焉能勿誨乎家語曰忠
 則和於眾所謂忠之義皆同焉且忠之為道雖達于
 上下也別而配之則專以為臣事君之道也書曰為

下克忠伊訓尤傳曰子之能仕父教之忠古之制也
僖公二年論語曰君使臣以禮臣事君以忠孝經曰君
 子之事君也進思盡忠退思補過尤氏稱荀林父之
 語亦同焉宣公十年晏子曰君子之事君也進不失忠
 退不失行不苟合以隱忠晏子問下凡以下對上者苟不
 免於阿順焉則每以易欺而有難盡中心之憂故特
 以忠為臣之道而誠之如是矣經傳中言忠者太多
 矣皆當准知焉孟子曰教人以善謂之忠此所謂忠
 焉能勿誨乎之意

○恕

恕也者。施事於人。反求諸己。而如己心之所好惡之謂也。故如心為恕。子貢問曰。有一言而可以終身行之者乎。子曰。其恕乎。己所不欲。勿施於人。論語。又曰。愛而恕。可以容困。又君子有三恕之語。家語。可合以見焉。又謂臧武仲曰。作而不順。而施不恕也。夏書曰。念茲在茲。順事恕施也。左傳。襄公二十三年。及家語。又左傳曰。恕而行之。德之則也。禮之經也。隱公十一年。又子產曰。恕思以明德。則令名載而行之。襄公二十四年。記曰。所藏乎身不

最大家

恕而能喻諸人者。未之有也。又所謂絜矩之道也者。亦恕之謂也。己且恕也者。即行仁之則也。故曰。思仁恕。則樹德。又曰。方長不折。則恕仁也。顏子曰。一言而有益於仁。莫如恕。並家語。孔子曰。夫仁者。己欲立而立人。己欲達而達人。能近取譬。可謂仁之方也已。恕之為仁之則者。可以知矣。是故曾子喻一貫之語曰。夫子之道。忠恕而已矣。其詳具於合語一貫篇。

○信 忱 諶 諒

信也者。言不違行之謂也。言君則行君之道。言臣則

道不違

上

上

眾者

忠信

行臣之道言父子則行父子之道如此其言行不違
謂之信也孔子曰禮以節之信以結之表記又曰信
以結之則民不倍緇衣尤傳曰信者言之瑞也襄公九年
又曰志以發言言以出信同二十七年又曰守命共時之
謂信僖公七年又曰思難不越官信也昭公元年國語曰言信
必及身周語下又曰定身以行事謂之信晉語二又曰忠
自中而信自身皆同是言行不違謂之信者可以觀
焉夫人而言與行違則其相接之間無所之而可也
故曰人而無信不知其可也凡經傳言信者皆不出

乎此義且信與僭反僭不信也信不僭也尤傳曰君
子之言信而有徵小人之言僭而無徵昭公八年又曰卜
為信與僭同二十五年又曰以信召人而以僭濟之襄公二十七年
信僭相對文猶多矣今私按之禽獸徒發聲而無
其行人則不然言則宜行之故人言為信若徒有言
而無其行則非人道故人替為僭說文替作替又如
信人信古之言亦以其言為不違也信而好古篤信
好學如此之言皆以古言為不違也信而後諫信而
後勞其民如此之言皆其君民以我言為不違也書

曰爾無不信朕不食言湯誓詩曰慎爾言也謂爾不
信小雅又曰無信人之言人實不信鄭風揚之水如此之
文可以准知焉又古文忱謹字與信同義書曰尚克
時忱乃亦有終湯誥爾忱不屬盤庚天棗忱辭大誥
天畏棗忱康誥詩曰天難忱斯大雅又書曰天難
及君一德詩曰其命匪大雅此皆與信同焉又允
字有信之意下辨之又問義不義偏言之不倍謂
之諒論語曰匹夫匹婦之為諒也又曰君子貞而不
諒又曰友直友諒詩曰不諒人只鄘風皆所謂諒者

偏言之不倍也與信不全同矣如夫尾生者經言可
謂之諒矣不可謂之信也而孟子曰君子不亮惡乎
執說者以為亮與諒同無乃與經言違乎又曰可欲
之謂善有諸己之謂信此亦經傳無所見焉

○誠允乎亮

誠者心志無虛偽之謂也易曰閑邪存其誠文言又
曰修辭立其誠同記曰著誠去偽禮之經也樂記又
曰欲正其心者先誠其意大學管子曰道者誠人之
性也君臣而且說誠者家語及中庸哀公問政章盡

25

之矣。而詩書二經及春秋內外傳中用誠字者鮮矣。唯大甲曰鬼神無常享。享于克誠。允傳曰明允篤誠。文公十年他則用允字孚字者多有誠實之義。亦有忠信之義。書曰溫恭允塞。舜典成允成功。瞽亦允若。大禹謨克終允德。大甲允協于先王成德。說命告汝朕允君。爽嗚呼允蠢。大誥允升于大猷。君陳詩曰顯允君子。小雅顯允方叔。同采芑允矣君子。展也大成。同車攻懷允不忘。同鼓鐘用允字者槩如是矣。又書曰邦其永孚于休。大甲作周孚先。洛誥永孚于休。又若卜筮罔不

是孚。君爽五辭簡孚。正于五刑。又獄成而孚。輸而孚。呂刑用孚字者亦如是矣。又易中所謂孚者皆中實之謂也。又用亮字者多誠實之意也。亮采惠疇。堯典亮采有邦。皋陶謨寅亮天地。周官此等字義後世說者似多混其詰矣。學者自就經傳正文而可以辨之也。

○周

周也者忠信之謂也。國語曰忠信為周。阿黨為比。魯語書曰自周有終。大甲詩曰示我周行。小雅又曰周爰咨詢。周爰咨度。同皇皇又曰行歸于周。同都是皆忠

15

不謂比而

信為周也。而鹿鳴之詩說者各異其解。然其序曰忠臣嘉賓。得盡其心矣。然則所謂周行亦謂忠信之行也。已說者皆失之矣。左傳曰秦穆之為君也。舉人之周也。文公三年又曰行歸于周。萬民所望忠也。襄公十四年古訓應知矣。論語曰君子周而不比。小人比而不周。此亦忠信與阿黨之謂也。

○比

比之為言。與周相對。則阿黨為比。與黨相對。則為親近之義。叔向曰君子比而不別。比德以贊事。比也。引

黨以封己。利己而忘君別也。晉語趙宣子曰吾聞事君者比而不黨。夫周以舉義比也。舉以其私黨也。五同論語曰義之與比。如是則皆以比為美德。

○貞

貞也者。蓋心志一定而不失其正之謂也。爾雅釋名。貞定也。精定不動惑也。而經傳言貞者。皆有正定之意也。記曰公叔文子卒。其子成請諡於君。君曰昔者衛國有難。夫子以其死衛寡人。不亦貞乎。檀弓諡法清白守節曰貞。大慮克就曰貞。不隱無屈曰貞。又左

傳曰。送往事。居耦俱無猜。貞也。僖公九年又曰。圖國忘死。

貞也。昭元年國語曰。葬死者。養生者。死人復生。不悔生。

人不愧。貞也。晉語皆是心志正定之謂也。已書曰。一。

人元良。萬方以貞。大甲又曰。百度惟貞。旅又曰。我。

二人共貞。洛誥又曰。世篤忠貞。君牙孔子曰。貞以幹。

之敬。以輔之事。君之道。家語又曰。君子貞而不諒。又。

易元亨利貞。文言曰。貞者。事之幹也。又曰。貞固足以。

幹事。參焉。可以知也。又稱婦人之德。為貞。易曰。婦人。

貞吉。從一而終也。恒卦孔子曰。男慤而女貞。家語可。

准知焉。而說者解貞。單訓以為正。未之盡也。

○順

順者。莫逆於教命之謂也。是卑幼事尊長之道也。孔。

子曰。以弟事長。則順。孝經尤傳曰。事長則順。文公六年又。

曰。弟敬而順。昭公二年記曰。長惠幼順。禮運又曰。立敬。

自長始。教民順也。又曰。順以聽命。祭義而所謂順者。

卑幼之事尊長。雖其當然也。然順也者。順其義理之。

謂。而非逆義理之謂也。故當乎其有不義之事。不敢。

以為諫爭焉。苟順其命而已。則是亦阿從。而非所謂。

順也。孝經諫爭章以監之而可也矣。又婦人之道唯以順為德也。士昏禮父母與命女以夙夜毋違。儀禮孔子曰女子者順男子之教而長其理者也。家語及記曰婦順者順於舅姑和於室人而后當於夫。昏義又乾健坤順固陰陽剛柔之德在易而可見矣。又諡法慈和徧服曰順者人民皆服其慈和乃無敢違逆焉之稱也。又凡人物之理莫相逆戾者皆謂之順。禮運所謂大順是也。

○慈

慈者父母之愛子也。左傳曰父慈而教。昭公二年又曰父義母慈。文公十年記曰父慈子孝。禮運又曰為人父止於慈。又曰慈者所以使眾也。大學此言推慈子之心以使眾民也。孔子曰父母在言孝不言慈。又曰民猶有薄於孝而厚於慈。坊記又舅姑之於婦亦為慈也。左傳曰姑慈婦聽。昭公二年他傳記中有慈愛民之文皆子愛之之意也已。

○惠

惠者君長之愛民人也。書曰安民則惠。皋陶又曰惟

天惠民泰誓惠鮮鰥寡無逸民心無常惟惠之懷仲蔡

命詩曰柔惠且直大雅則不我惠瞻同惠我無疆頌

國語曰惠所以和民也周語孔子曰小人懷惠又曰

惠則足以使人論語又曰其惠為民父母又謂子產

曰惠在愛民而已矣又其稱子產之惠民者數矣語

記曰行慶施惠月令又曰惠均則政行祭統諡法柔

質慈民曰惠愛民好與曰惠皆所謂惠者愛民人之

道也又孟子曰分人以財謂之惠

○愛之愛之曰愛曰父慈而孝曰父愛而敬曰父愛而

行

孝

隱通

愛者人倫相憐而親之也而所謂愛也者雖是人情

之所以固有也然夫不肖之人或由好惡之私以失

其親愛之道故先王亦立愛以為教也書曰立愛惟

親伊訓記曰立愛自親始教民睦也祭義孝經曰愛

親者不敢惡於人又曰因親以教愛而愛之為道弘

在人倫之際莫所專主焉唯左傳曰兄愛弟敬然仁

也忠也孝也弟也慈也惠也皆愛之發也已但上之

愛下也愛而勤勞之下之愛上也愛而忠敬之詩曰

心乎愛矣遐不謂矣小雅孔子曰愛之能勿勞乎忠

惠君也。周語皆所謂肅者。心之慎也。又諡法剛德克就曰肅。執心決斷曰肅。此亦屬乎心也。他如厲肅威肅之肅。亦有收縮之意矣。而說者訓恭作肅。直以敬字者。未之盡也。

○敬 寅欽祗恪慎謹

敬也者。行事慎而不惰之謂也。凡敬之言與惰相反。左傳曰。成子受賑于社。不敬。劉子曰。今成子惰。弃其命矣。成公十三年又曰。蔡侯入于鄭。鄭伯享之。不敬。子產曰。蔡侯其不免。受享而惰。襄公二十八年此謂不敬為惰。其

相反者。可以見焉。且經傳言敬者。皆屬於行事。書曰。

敬授人時。堯典敬敷五教。舜典祗敬六德。亮采有邦

畢陶謂敬不足行。泰誓狎侮五常。荒怠不敬。同敬用

五事。洪範二典以下。言敬者太多矣。皆以行事言之。

也。論語曰。敬事而信。又曰。其事上也敬。又曰。居處恭。

執事敬。又曰。事君敬其事。而後其食。又君子有九思。

事思敬。左傳曰。將事不敬。成公十一年敬其事。則命以始。

閔公國語曰。動莫若敬。周語記曰。外貌斯須不莊不

敬。而易慢之心入之矣。樂記周禮大司徒之職。以祀

禮教敬則民不苟且禮者行事之紀也。行事唯在敬焉。故曰禮者敬而已矣。孝經尤傳曰勤禮莫如致敬。成公十三年又曰敬禮之興也。僖公十年凡六經傳記言敬者千萬皆屬乎行事且人之行事雖則原于心也然無其事之時唯持敬於心之教則未之見也。若敬天敬人之言亦謂敬其祭祀交接之事也已。又寅欽祗恪等之言與敬同意書曰寅賓出日寅餞納日。堯典同寅協恭。皋陶謨嚴恭寅。無逸寅亮天地。周官其用寅字者率如是矣。又曰欽明文思。堯典往欽哉。同欽崇

天道。仲說命。出入起居罔有不欽。同命用欽字者亦如是矣。又曰祗承于上帝。大禹謨日嚴祗敬六德。皋陶謨大弗克祗厥辟。罔命大司樂六德中和祗庸孝友。周禮祗字亦如是矣。又書曰恪謹天命。庚盤恪慎克孝。微子命詩曰執事有恪。商頌尤傳曰以懲不恪。文公九年又周之三恪恪字亦如是矣。是皆與敬全同焉。又慎之言則多屬於身而有戒勅之意也。書曰都慎厥身修。皋陶謨慎汝在位。益稷慎乃服命。微子命詩曰淑慎其身。坤風敬慎威儀。大雅民勞淑慎爾止。同抑

聖道粹物
二
環者

論語子之所慎齊戰疾記曰君子必慎其獨也中庸大學
此所謂慎者皆有戒勅之義也已又謹之言則弘通
於言行而有檢束之意也詩曰以謹無良大雅民勞書曰
恪謹天命上出易曰庸行之謹又无咎无譽蓋言謹
也文言論語曰謹而信記曰百官謹蓋藏月令庸言
之謹中庸此所謂謹者皆有檢束其事之意也他對
其正文而可以推知焉而漢魏以降則通用文字者
多矣及其釋經言亦或混肅敬謹慎等之言則有文
義不審者也

○温

温也者容色和柔之謂也而多屬於顏色論語九思
色思温又曰子温而厲又曰即之也温書曰直而温
舜典詩曰終温且惠邶風温其如玉秦風飲酒温克
小雅記曰柔色以温之內則顏色必温祭義此皆以
顏色言之也又書曰温恭允塞舜典詩曰温温恭人
小雅温温其恭同賓之初筵温恭朝夕商頌家語曰温恭
慎德此皆容色和柔而不驕也但記曰恭敬而温文
文王容貌必温祭義此則通乎容色言之也如温良

恭儉讓之言所謂溫者亦謂其顏色也而解論語者於此五德未有能辨其物者也

○恭

恭也者容貌慎而不驕之謂也凡恭之言與驕相反書曰位不期驕祿不期侈恭儉惟德無載爾偽周官此恭與驕反儉與侈反荀子曰驕泄者人之殃也恭儉者僻五兵孟子曰恭儉豈可以聲音笑貌為哉與原乎此書也堯典曰允恭克讓孔子謂之曰昔堯居天下之位猶允恭以持己克讓以接下家語又書曰

貌曰恭洪範論語九思貌思恭家語曰其貌恭其德

敦恭之屬乎貌也如是矣又論語曰其行己也恭其事上也敬又曰君子敬而無失與人恭而有禮又曰居處恭執事敬家語曰恭則遠於患敬則人愛之記曰敬而不中禮謂之野恭而不中禮謂之給仲尼又曰賓客主恭祭祀主敬少儀恭與敬之別可以觀焉皆是敬者謂行事不惰也恭者謂容貌不驕也凡經傳言驕者皆不恭之謂也言不恭者皆驕之謂也允傳曰高仰驕也定公十五年國語曰不仁者高之則驕

楚語。孝經曰。居上而驕則亡。如此之言。則謂不恭也。
 又書曰。昏迷不恭。大禹謨汝不恭命。甘誓其有不恭。邦
 有常刑。胤誓顛越不恭。盤庚如此之言。則謂其驕也。
 楚大夫子囊謀恭王。諡曰赫赫。楚國而君臨之。撫有
 蠻夷。奄征南海。以屬諸夏。而知其過。可不謂恭乎。左氏
襄公十三年國語曰。周恭王能庇昭穆之闕。而為恭。
 傳及楚語。楚恭王能知其過。而為恭。魯語此所謂恭者。稱其慎
 而不驕也。亦可以知矣。經傳中言恭者。亦太多矣。皆
 可以准知焉。孟子曰。恭者不侮人。儉者不奪人。是則

可謂古訓矣。又曰。責難於君。謂之恭。陳善閉邪。謂之
 敬。是則於經言。未有所見也。

○莊

莊也者。容貌整而不褻之謂也。孔子曰。黼紱袞冕者。
 容不褻慢。非性矜莊。服使然也。家語又曰。君子莊敬。
 日強。安肆日偷。表記所謂安肆。亦褻慢之謂也已。又
 曰。臨之以莊則敬。論語曾子曰。莊甚則不親。是故君
 子之交。其莊足以成禮。家語記曰。非禮不誠。不莊。禮曲
 又曰。居處不莊。非孝也。祭義又曰。外貌斯須不莊。不

敬而易慢之心入之矣。樂記此等之文可以參驗焉。而諡法曰莊者六皆不關於容儀且善惡無定義可疑也。又於詩書及易不見莊之言焉。則無可以徵者。但於二語以下則是容貌整之謂也已。

○嚴

嚴也者。容色尊重而有威之謂也。書曰日嚴祗敬六德。臯陶又曰殷王中宗嚴恭寅。無逸記曰非禮威嚴不行。曲禮又曰莊敬則嚴威。祭義所謂嚴者是在上臨下之威容而非臣子之容也。故記曰嚴威嚴恪非

所以事親也。同上字亦作儼。詩曰碩大且儼。陳風記

曰儼若思。曲禮論語曰望之儼然皆與嚴同。孝經曰

孝莫大於嚴。父易曰家人有嚴君。父母之謂也。卦家人

所謂嚴亦尊重之謂也已。又後漢明帝諱莊。當時避

之以嚴。易莊國語莊公為嚴公。莊伯為嚴伯之類。是

也。然嚴與莊字義不全同焉。驗之經傳正文可乃知

也矣。

○儉

儉也者。財用約省之謂也。凡儉約之言與奢侈相反。

書曰克儉于家大禹又曰慎乃儉德大甲又曰位不

期驕祿不期侈恭儉惟德無載爾偽上出易曰君子

以儉德避難否卦傳曰儉德之共也莊公二十二年記曰

儉近仁表記凡富貴者易至乎奢侈故以儉為德飲

食衣服宮室器械一從約省也孔子曰禮與其奢也

寧儉又曰奢則不孫儉則固與其不孫也寧固論語

又曰中人之性有餘則侈不足則儉家語易曰用過

于儉卦小過國語曰儉所以足用也周語又曰居莫若

儉夫宮室不崇器無彤鏤儉也同下記曰國奢則示

之以儉國儉則示之以禮檀弓又曰祭豐年不奢凶

年不儉王制儉之為道也經傳之訓可以監焉子貢

問曰管仲失於奢晏子失於儉與其俱失矣二者孰

賢孔子曰管仲鏤簋而朱紘旅樹而反坫山節藻梲

賢大夫也而難為上晏平仲祀其先祖豚肩不揜豆

一狐裘三十年賢大夫也而難為下君子上不僭上

下不僂下家語及禮以此觀之所謂儉亦非禮之中

也則或有其失矣然人心多易奢侈故聖人誠焉以

寧儉也已

not contented

○謙

謙也者不自滿而下人之謂也。凡謙之言與滿盈相反。書曰：滿招損謙，受益時乃天道。大禹又舜稱禹曰：汝惟不矜，天下莫與汝爭能；汝惟不伐，天下莫與汝爭功。同所謂不矜不伐，即是謙也已矣。易曰：謙亨，君子有終。彖曰：天道虧盈而益謙，地道變盈而流謙，鬼神害盈而福謙，人道惡盈而好謙。謙尊而光，卑而不可踰，君子之終也。蓋謙之義於此易乎盡矣。不須他徵也。然所謂謙者，自有才德而能下人之謂也。自無

才德而卑下人，則固其所也，不可謂之謙也。孔子曰：昔者周公居家宰之尊，制天下之政，而猶下白屋之士，是則所謂謙也矣。又孔子讀易至於損益，歎曰：夫自損者必有益之，自益者必有決之。並家語其語猶審矣。損益盈虛之理，可以玩味也矣。

○讓

讓也者，言行先人而後己之謂也。凡讓之言與爭相反。堯典曰：允恭克讓。舜典曰：讓于德，弗嗣。唐虞以下，皆以讓為聖賢大德。孔子曰：君子貴人而賤己，先人

而後已則民作讓坊記又曰先之以敬讓而民不爭
孝經記曰致讓以去爭也祭義又曰一家讓一國興
讓大學尤傳曰卑讓德之基也文公元年又曰讓禮之主
也范宣子讓其下皆讓襄公十一年又曰讓德之主也讓
之謂懿德昭公十年晏子曰讓德之主也讓之謂保德晏子
雜周禮大司徒以陽禮教讓則民不爭經傳皆一轍
也凡有血氣者皆有爭心亂由此生焉故先王之制
禮也以教之讓而所以止其爭心也昔者周人相讓
而虞芮止其爭天下聞之歸于周者四十餘國故孔

子曰能以禮讓為國乎何有不能以禮讓為國如禮
何

○威不威而威

詩曰抑抑威儀維德之隅大雅又曰敬慎威儀維民

之則又曰敬慎威儀以近有德民勞書曰用燕喪威

儀酒誥經傳誠威儀者猶多矣威也者容色尊重而

可畏之謂也尤傳曰有威而可畏謂之威下出孔子

曰君子不重則不威蓋無可畏之威則下望而輕侮

之故在上之人致禮以重其容色則有威而可畏也

又曰君子正其衣冠尊其瞻視儼然人望而畏之斯
不亦威而不猛乎書曰惟辟作威洪範又曰德威惟
畏呂刑又曰威克厥愛允濟愛克厥威允罔功胤征
左傳曰作事威克其愛雖小必濟昭公十年然則在上
之人不可以無威也雖然內不出於德而外欲敢畏
於人則或猛暴而非君子之威也故曰威而不猛恭
而安記曰不厲而威表記荀子曰威有三有道德之
威者有暴察之威者有狂妄之威者此三威者不可
不熟察也其辨亦可見也又如天威之威亦謂其明

威
威

命可畏也書曰天明畏自我民明威臯陶又曰將天
命明威湯誥經傳中言天威者不亦寡也

○儀

儀也者動靜有法則之謂也左傳曰有威而可畏謂
之威有儀而可象謂之儀君有君之威儀其臣畏而
愛之則而象之故能有其國家令聞長世臣有臣之
威儀其下畏而愛之故能守其官職襄公三年此傳文
猶詳焉可就而見矣孝經亦同文焉書曰享多儀儀
不及物惟曰不享洛誥詩曰其儀不忒曹風各敬爾

Deal

儀小雅豈弟君子莫不令儀同淑慎爾止不愆于

儀抑大雅詩中言儀者猶多矣尤傳又曰有動作禮義

威儀之則以定命也成公十年經傳之訓可以監焉士

君子不可不亦慎威儀也而經禮之行則希而其事

大也故入之所以勉強而能者有焉威儀之用則常

而其事細也故入之所以忽怠而不能者有焉是故

孔子曰經禮三百可勉強也威儀三千則難也家語

故經言稱令威儀以為德之表也

○極

言曰天賦其性非凡眼所見又曰

義極

極也者守其至道為民之儀表之謂也凡物之所以

至極者則為世之儀表也故為世之儀表者謂之極

洪範曰五皇極皇建其有極皇君也極表極也洪範

九疇五則其中也故以皇極為第五者斯於天下之

中建為君者以其至極之道為四方儀表之義也矣

又書曰作汝民極君爽周禮六官之職皆其首曰惟

王建國辨方正位體國經野設官分職以為民極詩

曰永錫爾極小雅又曰莫匪爾極頌又曰商邑翼

翼四方之極商頌皆是不表極之謂矣乎而說者偏

解極以為中者未之盡也。又孔子曰：聖人因物之精，制為之極，明命鬼神，以為民之則。家語此亦言設鬼神之名，以為民致孝享之儀表也。記曰：君子無所不用其極。大學亦謂至善之道為極也。北辰為北極，亦謂為四方之表極也。如易太極及三極之道，亦是至極之謂也已。

聖道辨物上編終

